

Sacerdotem ; ei que ad sacrificandum tibi Hostiam mundam , & ad promovendam generis humani salutem , sanctos Sacerdotes & levitas consortes tribuisti . quæsumus , ut iisdem sanctis Sacerdotibus & levitis intercedentibus , spiritum gratiæ cui servierunt , in Ecclesia tua excitare digneris . Per eundem..... in unitate ejusdem.

*In fine Hymni completorii,
& aliorum ejusdem metri ,
ultima stroph.*

JESU Sacerdos Hostia ,
Sit laus tibi , sit gloria
Cum Patre , & sancto Spiritu .

In sempiterna sæcula.

AD MATUTINUM.

Invitatorium.

1. CHRISTUM Pastorem &
Petr. Episcopum animarum nostrarum.* Venite adoremus.

2.

H Y M N U S.

TARTARI diræ paveant cohortes ;
Bella divinum meditatur agmen :

In suis sanctis Deus ipse miles

Prælia tentat.

PRODEUNT tecti galea salutis ,

Cum signo crucis , gladio que verbi

Intonant Christum , ruit ecce præceps

Hostis inumbras.

PAX tuos ergo manet alta fines ,

Christe , jam liber tibi servit orbis ,

Jam tuis latè tua sponsa regnat

Tuta ministris.

SUSTINENT curas gregis , & qui escit :

Leniunt flendo lacrimas gementum :

Quas sibi diri rapiunt , egenus

Pascitur escis.

CÆLITUM cantus imitando , numen

Laude ter sanctum celebrant perenni :

Mente jam cælo , sua membra , casti

Vix sua credunt.

SI REO vindex minitatur ira ,

Inferunt blanda prece vim tonanti ;

Vincitur votis Deus & vibrata

Tela coercet.

QUÆ tuis formas populis ministros ,

Laus tibi jugis , deitas suprema ,

Fac ut in clero sua prima virtus

Christe resurgat. Amen.